

八、愛，得世界攞較靚

時間過著真緊，記得正轉到四湖，歇熱黏時即得討到尾站啊，攞過幾下日，阿怙仔即討來接佢轉臺北。

布袋戲伯公雖然逐日猶和佢答嘴鼓，笑佢這個「莊下惹」討轉臺北，佢總算會用輕鬆啊，毋過睭會出佢毋盼佢離開，有意無意問講：「麼个時務會攞來陪伯公啊？」

啊佢一方面歡喜討轉臺北啊，會用轉到「文明」，賞佢个電動、食佢个麥當勞；另外一方面心肝內嘛毋盼，這有佢个好朋友、惜佢个伯公、心色个布袋戲，猶有歸下好寮个探險。

這日烏昏，佢坐伯公个鐵牛車，著面舞包公，著面哼：「開封有一個包青天，鐵面無私辨忠奸……。」遠遠睭著伯公屋前歇一臺熟事个車，欸！係佢阿怙仔呢！「毋係猶有三日，你阿怙仰子恁早來？」伯公細聲直頭念，得佢想討大聲喝阿怙仔，攞得討出口嘎硬硬收轉，哽到佢連幾下聲咳嗽。

「阿伯，佢來借蹠幾下日，好無？」幾時阿怙仔堵好有休假，歸氣轉家鄉度假。這下伯公歡喜啊，連講幾下聲：「好！好！好！」

足久毋識和阿怙仔「共眠床睡」个佢實在係毋會慣勢，阿怙仔望天篷講：「攞過幾久啊？天篷攞黃去啊。」幾時阿

怙仔和伯公个後生係細漢時个寮伴，早在二十外年前佢即睡過這埕木枋床，屋內鋪排變化無大，毋過舊啊。伯公个後生去國外讀書，落來即留在國外發展，久久轉來一逝。伯公有一個孫子和佢般大，過去逐年攞會轉來歇熱，陪伯公，練練本土事，弄弄布袋戲，毋過舊年……，伯公个孫子發生車禍過身啊。

直直到這下佢正雄雄知啊，難怪阿怙仔好定泥愛佢轉舊屋陪伯公，難怪伯公在牽水寫人名个時，睭起來恁艱難，幾時伯公寫个係孫子个名，啊佢个任務即係陪一個失去孫子个艱難老儕……。「後生啊！你做到毋會稞，阿怙仔真歡喜，幾下擺和伯公講電話个時，佢攞對你真誠安啲！有影係佢後生！」

阿怙仔講啊講啊，無幾久聲越來越細，人聲嘛改變做「齶齶呷」个聲，在佢即討進入發夢進前，心內感覺真燒暖。在阿怙和阿公廝身，佢學著貼心和良善，嘛真歡喜佢會用順利完成「任務」。

阿怙仔恬講「食人一口，還人一斗」，佢恬愛講細漢時真散，好佳載有人鬥相共，佢正有機會升學，正會用有今日个成就。佢總係當佢在「念經」，毋過這日晨早阿怙渡佢去「探險」，親目珠睭著「遺跡」。

目前這係一間早即荒敗去个天主教堂，所在在下鹿場

个路脣，這條路佢人四劍客來來回回毋知騎過幾下擺，嘎毋識注意過這間「荒敗个屋下」，幾下臺廢棄个車擋在教堂頭前，舊舊壞壞个教堂恬恬企在後背。

正睺阿怙仔伸手打開鐵門，佢在佢後背跔核核，穿過廢棄个車，行入教堂內底。教堂內底歸泥下个鳥屎，臭味銃鼻，荒敗个天篷若像隨時會塌落，頭前猶有一個小十字架，毋知仰子得人擊莫在這？

「阿怙仔，這有麼个好睺个？」佢睺遐睺這正感受著垃圾擱亂。

「唉！這正經差擱較多啊！」

這時慢慢聽怙仔講著以前个故事。「在阿公細漢時有神父蹓在這，逐回到歇暍日神父即會發麵粉、麵包，阿公即愛「核重擔」領物資，遐時務為著裝淦屎肚，管神父講一兜麼个。落來阿公大漢結婚降細子，雖然無跔在信天主，毋過有時務會渡阿怙仔來探望神父，老神父會摸摸阿怙仔个頭講：「真會！真勢！」牛獠个阿怙仔恬恬舞齣頭，食阿公个手棍，麼个時務得人「安唔」過「真會、真勢」，所以神父慈祥个形深深刻在阿怙仔个心內。」

阿怙仔著面講著面渡佢離開，行向後一站，遐跡位係阿怙仔生命要緊个轉變點——文生中學。文生中學係一間天主教_學校，在擇校址个時，神父一句：「即去需要个地

方！」落來文生中學在四湖起學校，目的係希望利便海脣所在學生升學，猶擱討得散人个細子有書讀。

「在佢讀國中个時，屋內會用溫飽即毋會穠啊，阿公一直希望佢國中出業即去尋頭路，毋過佢毋。遐時務佢知會用得偲人屋下離開『散』个方法即係讀書，毋過屋內正經無法度得佢學費。遐時務佢个國中導師渡佢去文生中學尋神父，拗神父講佢真認真，值得栽培……。」

阿怙仔和佢企在文生中學个學校門口，睺著一棟紅磚屋下，細細聲講：「學校改變毋會少啊！」順圍牆行到教堂，阿怙仔向內底行，著面行著面講：「攏靠神父鬥相共，拗佢鬥討獎學金，佢正會用順利升學。文生中學毋若鬥相共佢，嘛鬥相共毋會少散人个細子。」

恬靜个教堂，睺起來普通普通無麼个，嘎得算毋會透个學生得著恩惠，「佢猶記得神父鼓勵佢人：做一個對社會有路用个人，即係頭大个回報。」歇一下子，猶無睺著半個人影，阿怙仔嘛無想討直頭麻煩神父，恬恬渡佢離開。「假使，佢會用拗生份人鬥相共，攏係得神父影響个。」

「阿怙仔！若無，佢轉來讀文生中學？」

「你這細子變麼个齣頭，佢敢毋知？你正在想天高皇帝遠，毋使聽你阿依嗷嗷念，著無？」有影係佢阿怙仔，對對係，正經無毋著，知佢心肝內在想麼个，毋過遠離阿

依个「關心」以外，佢正經愛這個地方。

「恁啦！你國中好好讀，高中得你轉來？記得，假使你摸摸趑趑，恁即想嘛毋使想討做佢『文生中學个學弟』，佢係對『文生人』感覺嶄然光榮。」

四湖，佢本來想講正係一片「荒地」，嘎一點一涿拗佢黏核核，仰子會有恁个轉變咧？應當係「愛」得這個地方改變！伯公、佢个兄弟子、土地个故事、牧師、神父，當然猶有遐神秘个狗王朋友渡佢去探險，這兜攏得佢感心，得佢肯在這歇落來，這個歇熱正經足特別，得佢攞較愛佢个故鄉啊！